

Viðbót við IFSC reglur fyrir mót KÍ

Dagsetning útgáfu: 15. febrúar 2024

Tilgangur

ÍM og bikarmót Klifursambands Íslands (KÍ) skulu vera framkvæmd samkvæmt reglum IFSC með þeim undantekningum sem settar eru fram í þessu skjali.

Almennt

- Litur gripa getur afmarkað hvaða grip eru með í leiðinni (ef leiðir eru þétt saman). En þá skulu kassar vera með í öllum leiðum. Ef þessari reglu er beitt þarf að taka það fram á upplýsingasíðu mótsins eða tilkynna það í upphafi umferðar.
 - Þegar keppnisumhverfið er með þessum hætti er ákveðinn sveigjanleiki leyfður þegar keppendur snerta grip í öðrum leiðum. Þá er létt snerting leyfð (t.d. þegar klifrari dregur fótinn yfir grip eða rekst í grip) á meðan klifrari notar ekki gripið og að það hjálpi ekki við að halda eða gera hreyfinguna sem er framkvæmd.
 - Það er ávallt á forræði dómara að meta hvort að snerting við grip hafi verið lögleg skv. lið a.
- Yfirdómari getur leyft keppendum að nota eigin burstu til þess að hreinsa grip.
- Endagrip þarf ekki að vera sérstaklega merkt með límbandi í kaos-umferð.
- Áfrýjanir
 - Áfrýjun þarf að skila til mótsstjóra á þar til gerðu [áfrýjunareyðublaði](#). Hann tekur við áfrýjunargjaldi ef það á við og kemur því áleiðis til yfirdómara.
 - Áfrýjunargjald: 2000 kr (reikningur sendur á klifurfélag/klifurdeild viðkomandi þjálfara).
 - Keppandi getur áfrýjað sjálfur en greiðir þá áfrýjunargjaldið um leið og áfrýjunin er lögð fram. Hann greiðir áfrýjunargjaldið beint til mótsstjóra sem undirritar áfrýjunareyðublaðið til staðfestingar. Skal Klifursambandið innheimta gjaldið af mótshaldara ef áfrýjunninni er hafnað.
- [Skrá yfir liðsstjóra, þjálfara, heilbrigðisstarfsmenn og áfrýjendur keppenda](#).
 - Klifursamband Íslands skal halda skrá yfir þá einstaklinga sem eru tengdir keppendum og geta lagt frá áfrýjanir á mótum.
 - Skráin er haldin fyrir hvert keppnistímabil fyrir sig (þ.e. almanaksárið).
 - Hver keppandi getur tilnefnt einn einstakling sem áfrýjanda. Það er gert með því að skrá einstaklinginn í fyrrnefnda skrá.
 - Einstaklingurinn sem leggur fram áfrýjunina þarf að greiða áfrýjunargjaldið.
 - Síðasti möguleiki til þess að skrá einstaklinga í skrána fyrir hvert mót er á fundinum um mótshald og tæknileg atriði (technical meeting) svo þeir geti lagt fram áfrýjanir á viðkomandi móti.
- Birting úrslita

- a. Birta skal heildarniðurstöður ÍM á heimasíðu KÍ. Þar sem úrslitum allra ÍM er safnað saman.
 - b. Nóg er að birta niðurstöður úrslitaumferða bikarmóta sem frétt á heimasíðu KÍ eða viðburðasíðu mótsins sem hlekkjað er á af vefsíðu KÍ.
7. Reglur um aldursflokka
- a. Það má láta iðkendur á eldra ári keppa í flokknum fyrir ofan sig í U12 og öllum flokkum eftir það.
 - b. Iðkendur á 14. og 15. aldursári mega keppa í opnum flokki (þá undir aldursflokknum U18).
 - c. Það er alltaf háð leyfi þjálfara ef iðkendur fá að keppa í flokki fyrir ofan sig.

Mótsfyrirkomulagi grjótgímumóta

Mótshaldari getur sett saman mót með þessum tegundum umferða. Hægt er að fá undanþágu frá þessari reglu hjá mótanefnd KÍ.

- Undankeppni: Kaos-umferð
 - 25 leiðir (5 erfiðleikastig, 5 leiðir á hverju stigi). Topp 5 leiðir sem gefa hæst stig telja. Keppendur fá 90-150* mín til þess að reyna við leiðirnar í hvaða röð sem þeir kjósa. Keppendur fá að hámarki 15 tilraunir fyrir hverja leið. Allir mega horfa á tilraunir hinna.
 - 15 leiðir (3 erfiðleikastig, 5 leiðir á hverju stigi). Topp 5 leiðir sem gefa hæst stig telja. Keppendur fá 90-150 mín* til þess að reyna við leiðirnar í hvaða röð sem þeir kjósa. Keppendur fá að hámarki 15 tilraunir fyrir hverja leið. Allir mega horfa á tilraunir hinna.
 - 8 leiðir. 5 tilraunir á hverja leið. Keppendur fá 90-150 mín* til þess að reyna við leiðirnar í hvaða röð sem þeir kjósa. Keppendur fá að hámarki 15 tilraunir fyrir hverja leið. Allir mega horfa á tilraunir hinna.
- Undanúrslit: Rúllandi umferðir
 - 4 leiðir beint af augum, 5 mín á/5 mín af + 15 sek millitími
 - 2x3 leiða flass umferð, 4 mín á/4 mín af + 15 sek millitími. Klifrarar fá myndbönd af leiðunum fyrirfram sem eru birt á viðburðarsíðu mótsins eða mótasíðu á vef KÍ.
- Úrslit
 - 4 leiðir beint af augum, 4 mín. Keppendur fá skoðunartíma fyrir umferðina (fyrirkomulag í WC finals hjá IFSC).

Ef um tveggja umferða mót er að ræða þá má nota undanúrslitafyrirkomulag fyrir úrslitaumferð. Þá eru átta keppendur sem keppa í þeirri umferð. Einnig má nota úrslitafyrirkomulagið en hafa fjölda þátttakenda átta.

*Lengd undankeppnar er tilkynntur í byrjun umferðar og fer eftir fjölda þátttakenda og hvort leiðir skarist mikið.

Reglur sem snúa að línumótum

1. Ráslisti skal birta í síðasta snemma dags á keppnisdegi, helst degi fyrr, ef upphitunaraðstað er ekki á keppnisstað (t.d. Í Miðgarði) þannig að keppendur geta skipulagt daginn og upphitunina sína.
2. Leiðarvísar
 - a. Birta skal leiðarvísar á mótasíðu viðkomandi móts á heimasíðu KÍ (eða á viðburðasíðu mótsins sem hlekkjað er á af vefsíðu KÍ)
 - i. Ef umferð er klifruð bein af augum skal birta leiðarvísi af úrslitaleiðum eftir lokun einangrunar.
3. Ef úrslitaleiðir eru á veggnum áður en úrslitaumferð hefst skal tilkynna keppendum það í upphafi mótsins. Einnig ráðlagt að taka þá fram á viðkomandi mótasíðu/viðburðasíðu. Leiðirnar skulu vera ómerktar.
4. Byrjunargrip
 - a. Ef mótið er haldið í lágum vegg má merkja byrjunargrip í leiðunum (tvö grip sem eru byrjunargrip fyrir hendur).
5. Þjálfarar geta óskað eftir á fundinum um mótshald og tæknileg atriði (technical meeting) að mega gefa áminningar um öryggisatriði til yngri keppenda sem eru í leiðum sem klifraðar eru beint af augum.

Mótsfyrirkomulag fyrir unglíngamót (U14 og U16)

Undankeppni

8 leiðir. Erfiðleikastig 1-4. Þær tvær leiðir sem gefa flest "vegin stig" gilda sem niðurstöður umferðarinnar. Klifrari hefur eina tilraun fyrir hverja leið og mega ráða í hvaða röð þeir reyna leiðirnar.

Fimm klifrarar í hverjum flokki komast áfram í úrslit.

Allir þátttakendur mega sjá hvorn annan klifra leiðirnar og deila upplýsingum um leiðir. Lengd undankeppnar er tilkynntur í byrjun umferðar og fer eftir fjölda þátttakenda og hvort leiðir skarist mikið.

Úrslit

Ein klifurleið klifruð beint að augum. Klifrarar frá 6 min skoðunartíma fyrir umferðina.

Almennt

Allar leiðir á mótinu eru klifraðar í leiðslu.

Almennt eru úrslitaleiðir eru á veggnum á meðan undankeppnin ferð fram (þær eru ómerktar). Keppendur mega ekki klifra þær leiðir í undankeppninni.

IFSC reglur eru notaðar á mótinu auk viðbóta KÍ.

Stigakerfi

Undankeppni

Í undankeppninni fá klifrarar að skoða leiðarvísa fyrir leiðir þar sem sést hvaða grip í leiðinni gefa stig. Síðasta stigið fyrir leiðina fæst með því að klippa í toppakkeri. Leiðarvísarnir verða birtir á þessari viðburðarsíðu.

Klifrari færir stig út frá því hvaða grip hann notar og nær að halda með öryggi. Síðasta stigið fyrir leiðina fær klifrarinn fyrir að klippa í toppakkeri. Sum grip geta gefið tvö stig og er þá ætlunin að nota báðar hendur á því gripi. Klifrari getur fengið "+ hreyfingu" fyrir að byrja hreyfingu í átt að næsta gripi sem gefur stig í leiðinni. Þá bætist 0.1 stig fyrir gripið sem klifrarinn notaði fyrir hreyfinguna. Yfirlit yfir hvaða grip gefa stig er að finna í leiðarvísi leiðarinnar.

Stigin eru síðan margfölduð með stuðli sem gefin er upp fyrir hverja leið. Þannig fást "vegin stig" fyrir leiðina.

Vegin stig:

Stig leiðar x margföldunarstuðull leiðar

Formúla fyrir margföldunarstuðla:

Erfiðleikastig 1 (Leið 1 og Leið 2): 20 / hámarksstig í leið

Erfiðleikastig 2 (Leið 3 og Leið 4): 40 / hámarksstig í leið

Erfiðleikastig 3 (Leið 5 og Leið 6): 60 / hámarksstig í leið

Erfiðleikastig 4 (Leið 7 og Leið 8): 80 / hámarksstig í leið

Niðurstaða umferðar: Samanlögð "vegin stig" þeirra tveggja leiða sem gefa flest stig.

Ef samanlögð "vegin stig" eru jöfn sigrar sá keppandi sem er með fleiri toppa af þeim leiðum sem notaðar eru til þess að reikna niðurstöður..

Stigakerfi úrslita

IFSC reglur með viðbót KÍ.